



Concello de Outes

Concello de Outes

EXPEDIENTE: 114/2020

RESOLUCIÓN ALCALDIA BASES REGULADORAS INCENTIVOS Á CONTRATACIÓN DO ALUMNADO-TRABALLADOR DO OBRADOIRO DUAL DE EMPREGO “OUTES-NOIA-LOUSAME 2020”

ANTECEDENTES

O Concello de Outes está a desenvolver un obradoiro dual de emprego denominado “OUTES-NOIA-LOUSAME 2020” coa especialidade “Repoboacións forestais e tratamentos silvícolas” (AGAR0208) no que participan 20 persoas alumnas-traballadoras.

Na Resolución de concesión da subvención da Xefatura Territorial da Coruña da Consellería de Emprego e Igualdade ao abeiro da Orde do 27 de decembro de 2019 (DOG nº 14, do 22.01.2020), consta unha asignación para incentivos á contratación ata un importe de 16.500€.

A tramitación dos incentivos á contratación veñen regulados na antedita orde, no seu artigo 15º do Capítulo IV, onde se establece a obriga da entidade promotora, neste caso o Concello de Outes, de publicar unha convocatoria de axudas a través dos incentivos á contratación temporal por conta allea das persoas participantes nos anteditos obradoiros.

Por outra banda, tamén na resolución de concesión, no punto 1.4, se recolle como data límite para o inicio das contratacións temporais por conta allea das persoas participantes no obradoiro, o día 05.10.2021. Considerando que a data de remate do obradoiro “OUTES-NOIA-LOUSAME 2020” é o 27 de setembro de 2021, faise necesario iniciar xa o procedemento de concesión das axudas previstas no expediente.

Visto o informe de fiscalización emitido polo servizo de Intervención

RESOLVO:

PRIMEIRO.- Avocar para este trámite concreto a competencia delegada na Xunta de Goberno Local mediante Resolución 2019-0171 do 28 de xuño, motivada pola urxencia e interese

Concello de Outes

Rua da Vila 1, Outes. 15230 (A Coruña). Tfno. 981850003.



Cod. Validación: 5Z752YEESE7f53J6WVGJJTEH3GW | Corrección: https://outes.sedelectronica.gal/
Documento asinado electronicamente desde a plataforma xestiona esPublico | Páxina 1 a 17



Concello de Outes

Concello de Outes

económica e social consonte o artigo 10.1 da Lei 40/2015, do 1 de outubro, do réxime xurídico do sector público.

SEGUNDO.- Aprobar as bases e a correspondente convocatoria das axudas as empresas mediante incentivos á contratación de alumnos-traballadores do Obradoiro Dual de Emprego “OUTES-NOIA-LOUSAME”, que se transcriben de seguido:

“BASES DE CONVOCATORIA DE AXUDAS A TRAVÉS DE INCENTIVOS Á CONTRATACIÓN TEMPORAL POR CONTA ALLEA A FAVOR DO ALUMNADO-TRABALLADOR DO OBRADOIRO DUAL DE EMPREGO “OUTES-NOIA-LOUSAME 2020”

Artigo 1. Finalidade e duración dos incentivos á contratación por conta allea.

1. Os incentivos á contratación temporal por conta allea teñen por finalidade facilitar a empregabilidade ocupabilidade das persoas participantes nos talleres duais de emprego, financiados a través da Orde do 27 de decembro de 2019 de axudas e subvencións a talleres duais de emprego, pola Dirección Xeral de Orientación e Promoción Laboral, pertencente á Consellería de Emprego e Igualdade da Xunta de Galicia. A aplicación concrétase no expediente 15/0024/2020: Obradoiro dual de emprego “OUTES-NOIA-LOUSAME

2020”, coas condicións establecidas no artigo 15.3 da antedita Orde.

2. A contratación temporal terá unha duración mínima de 3 meses.

3. A xornada da contratación temporal será a tempo completo.

Artigo 2. Entidades beneficiarias dos incentivos á contratación.

1. Poderán ser entidades beneficiarias dos incentivos á contratación as persoas empregadoras e as empresas, calquera que sexa a forma xurídica que adopten, incluídas as persoas autónomas, as sociedades civís e as comunidades de bens, aínda

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

que carezan de personalidade xurídica, cuxa actividade estea directamente relacionada coa formación impartida nos talleres duais de emprego, e que contraten traballadoras ou traballadores por conta allea para prestar servizos en centros de traballo radicados no ámbito territorial dos talleres duais de emprego. No caso de sociedades civís, comunidades de bens e unións temporais de empresas deberá facerse constar expresamente, tanto na solicitude como na resolución de concesión, os compromisos de execución asumidos por cada membro da agrupación, así como o importe de subvención que se vai a aplicar para cada un deles, que terán igualmente a consideración de beneficiario. En calquera caso, deberán nomear unha persoa representante ou apoderada única da agrupación, con poder suficiente para cumprir as obrigacións que, como beneficiaria, correspóndanlle á agrupación. No suposto de unións temporais de empresas, cada empresa que forme parte desta unión deberá reunir os requisitos esixidos para acceder ás axudas.

2. Non poderán ser entidades beneficiarias destas axudas as administracións públicas, as sociedades públicas, nin as entidades vinculadas ou dependentes de calquera delas.

3. Non poderán obter a condición de entidade beneficiaria das subvencións establecidas neste programa as persoas ou entidades nas que concorran algunha das circunstancias previstas no artigo 10 da Lei 9/2007, do 13 de xuño, de subvencións de Galicia:

a) Ser condenadas mediante sentenza firme á pena de perda da posibilidade de obter subvencións ou axudas públicas.

b) Solicitar a declaración de concurso, ser declaradas insolventes en calquera procedemento, atoparse declaradas en concurso salvo que en este adquirise eficacia un convenio, estar suxeitas a intervención xudicial ou ser inhabilitadas conforme á Lei concursal sen que conclúa o período de inhabilitación fixado na sentenza de cualificación do concurso.

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

- c) Dar lugar, por causa da que fosen declaradas culpables, á resolución firme de calquera contrato suscrito coa Administración.
- d) Estar incurso a persoa física, os administradores das sociedades mercantís ou aqueles que exerzan a representación legal doutras persoas xurídicas nalgún dos supostos de incompatibilidades que estableza a normativa vixente.
- e) Non estar ao corrente no cumprimento dos obrigacións tributarias ou fronte á Seguridade Social ou ter pendente de pago algunha outra débeda coa Administración pública da Comunidade Autónoma nos termos regulamentariamente establecidos.
- f) Ter a residencia fiscal nun país ou territorio cualificado regulamentariamente como paraíso fiscal.
- g) Non estar ao corrente de pago de obrigacións por reintegro de subvencións nos termos regulamentariamente establecidos.
- h) Ser sancionada, mediante resolución firme, coa perda da posibilidade de obter subvencións segundo a Lei 9/2007, do 13 de xuño, de subvencións de Galicia, ou a Lei xeral tributaria.
- i) Non poderán acceder á condición de entidade beneficiaria as agrupacións de persoas físicas ou xurídicas, públicas ou privadas sen personalidade, cando conorra algunha das prohibicións anteriores en calquera dos seus membros.
- j) En ningún caso poderán obter a condición de entidade beneficiaria as asociacións incursas nas causas de prohibición previstas nos apartados 5 e 6 do artigo 4 da Lei orgánica 1/2002, do 22 de marzo, reguladora do dereito de asociación, nin as asociacións respecto das que se suspendeu o procedemento administrativo de inscrición por atoparse indicios racionais de ilicitude penal, en aplicación do disposto no artigo 30.4 da Lei orgánica 1/2002, mentres non recaia resolución xudicial firme en cuxa virtude poida practicarse a inscrición no correspondente rexistro.
4. Non poderán obter a condición de entidade beneficiaria as entidades solicitantes que estean excluídos do acceso aos beneficios derivados da aplicación dos programas

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

de emprego, conforme ao establecido no artigo 46 e 46 bis do texto refundido da Lei de infraccións e sancións na orde social, aprobado polo Real decreto legislativo 5/2000, do 4 de agosto.

5. A xustificación por parte das persoas ou entidades solicitantes de non estar incursas nas prohibicións contidas nos números 3 e 4 anteriores para obter a condición de beneficiario realizarase mediante declaración responsable, que figura como anexo II destas bases.

Artigo 3. Contía dos incentivos.

1. Os contratos temporais incentivaranse cunha subvención fixa de 1.500 € por cada traballador/a, correspondente ao contrato mínimo de 3 meses a xornada completa, con cargo á aplicación orzamentaria 09.41.322A.460.1 (proxecto 2014-00-543) e por un orzamento máximo de 16.500 €.
2. Os beneficios establecidos á contratación neste programa non poderán, en concorrencia con outras axudas públicas para a mesma finalidade, superar o 100 % do custo salarial das mensualidades obxecto de subvención.

Artigo 4. Exclusiones. Exclúense dos beneficios regulados neste programa:

1. As relacións laborais de carácter especial previstas no artigo 2.1 do Real decreto legislativo 2/2015, do 23 de outubro, polo que se aproba o texto refundido da Lei do Estatuto dos traballadores ou noutras disposicións legais, así como as contratacións de traballadores ou traballadoras para prestar servizos noutras empresas mediante contratos de posta a disposición.
2. Os contratos realizados co/a cónxuxe, as persoas ascendentes, as persoas descendentes e demais parentes, por consanguinidade ou afinidade, ata o segundo grao inclusive, da empresaria ou empresario ou das persoas que teñan cargos de

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

dirección ou sexan membros dos órganos de administración das empresas que revistan a forma xurídica de sociedade, así como as que se produzan con estes últimos. Non será aplicable esta exclusión cando a persoa empregadora sexa unha persoa traballadora autónoma que contrate como persoa traballadora por conta allea aos fillos e fillas menores de 30 anos, tanto se conviven ou non con ela, ou cando se trate dunha persoa traballadora autónoma sen persoas asalariadas e contrate a un só familiar menor de 45 anos que non conviva no seu fogar nin estea ao seu cargo.

3. As contratacións realizadas con persoas traballadoras que nos 24 meses anteriores á data da contratación prestasen servizos na mesma empresa, segundo o establecido no artigo 2 do Regulamento (UE) 1407/2013 da Comisión, do 18 de decembro de 2013, mediante un contrato de carácter indefinido, ou nos últimos 3 meses mediante un contrato de carácter temporal ou mediante un contrato formativo, de substitución ou de substitución por anticipación da idade de xubilación. O disposto neste parágrafo será tamén de aplicación no suposto de vinculación laboral anterior do traballador ou da traballadora con empresas ás cales a persoa solicitante dos beneficios sucedese en virtude do establecido no artigo 44 do Real decreto legislativo 2/2015, do 23 de outubro.

Artigo 5. Prazos e solicitudes.

1. As solicitudes de axudas polas contratacións subvencionables deberán presentarse no prazo dun mes para contar desde o día seguinte á publicación do extracto da convocatoria no Boletín oficial da Provincia. Entenderase como último día de prazo o correspondente ao mesmo ordinal do día da publicación, e se no mes de vencimento non hai día equivalente ao inicial do cómputo entenderase que o prazo finaliza o último día do mes.

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

2. As solicitudes deberán presentarse no modelo normalizado que figura como anexo I, xunto coa seguinte documentación, orixinal ou copia compulsada ou cotexada:

- a. Copia do DNI, NIE ou NIF da empresa, poder suficiente para actuar en nome da entidade e DNI/NIF/NIE do representante da mesma.
- b. Declaración do persoal de todos os centros de traballo da empresa en Galicia no mes anterior ao mes de publicación da presente convocatoria, segundo o modelo do anexo.
- c. Declaración responsable de que posúe a capacidade administrativa, financeira e operativa para cumprir as condicións da axuda.

Artigo 6. Xustificación e pago.

1. De non achegarse con anterioridade, o pago das subvencións quedará condicionado á presentación da documentación xustificativa para o pago no prazo, nos termos e no modo establecido na resolución de concesión. Excepcionalmente, e por causas debidamente xustificadas, o órgano concedente poderá outorgar unha ampliación do prazo establecido para a presentación da xustificación que non exceda da metade deste. O acordo de ampliación deberá ser notificado ás persoas ou entidades beneficiarias. A documentación para presentar é a seguinte:

- a) Declaración complementaria da presentada coa solicitude, do conxunto das axudas solicitadas, tanto as aprobadas ou concedidas como as pendentes de resolución, para a mesma finalidade das distintas administracións públicas competentes ou outros entes públicos ou, no seu caso, unha declaración de que non solicitou nin percibiu outras axudas ou subvencións, segundo o modelo do anexo.
- b) Copia dos contratos de traballo e altas na Seguridade Social dos traballadores obxecto de subvención, no momento de iniciarse a contratación.

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

c) Certificado de número de conta bancaria na que figure a empresa beneficiaria como titular da mesma.

d) Unha vez rematado o período dos tres meses da contratación subvencionada a empresa beneficiaria presentará á acreditación de que a persoa traballadora estivo efectivamente contratada na antedito período. Dita acreditación farase con certificado de empresa ou informe de vida laboral do traballador e, no seu caso, xustificante de baixa na Seguridade Social.

e) Unha vez acreditado o exposto no apartado anterior, procederase ao pagamento da axuda concedida.

2. Non poderá realizarse o pago da subvención en tanto a entidade beneficiaria non estea ao corrente no cumprimento das súas obrigacións tributarias e fronte á Seguridade Social ou teña pendente de pago algunha outra débeda coa Administración pública da Comunidade Autónoma ou sexa debedora en virtude de resolución firme declarativa de orixe de reintegro. A tal efecto, presentarase certificado actualizado de estar ao corrente coa Axencia Tributaria, Seguridade Social e Axencia Tributaria de Galicia.

Artigo 7.Obrigacións das entidades beneficiarias.

1. Incorporar á persoa nun posto de traballo directamente relacionado coa formación recibida no taller dual de emprego denominado “OUTES-NOIA-LOUSAME 2020” coa especialidade formativa “Repoboacións forestais e tratamentos silvícolas” código AGAR0208.

2. Manter no seu persoal á persoa contratada polo período de duración do contrato obxecto de subvención. No caso de extinción do contrato de traballo temporal polas causas previstas na normativa laboral vixente con anterioridade á finalización do período esixible, a empresa deberá comunicar esta circunstancia á entidade promotora

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

dos talleres duais de emprego no prazo de sete días desde que se produza, para promover a súa substitución nas mesmas condicións, ofertando a cobertura do posto de traballo vacante a outras persoas participantes no taller, que non fosen contratadas previamente.

3. Como consecuencia da contratación temporal pola que se solicita a subvención, ten que incrementarse o emprego neto da entidade solicitante no ámbito territorial de Galicia respecto ao mes anterior ao mes de realización da contratación pola que se solicita a subvención. Para o cálculo do incremento do persoal non se computarán as persoas traballadoras cuxo contrato de traballo extíngase por causas obxectivas ou por despedimento disciplinario que non sexan declarados improcedentes, ou cuxas baixas se produciron por dimisión da persoa traballadora ou por morte, xubilación, incapacidade permanente total ou absoluta ou gran invalidez legalmente recoñecidas, ou por finalización do contrato.

4. As contratacións polas que se solicita subvención deberán formalizarse e comunicarse á oficina pública de emprego na forma regulamentariamente establecida.

5. Unha vez finalizado o período de cumprimento desta obrigaición, corresponderá á entidade promotora do taller dual de emprego levar a cabo a función de control das subvencións concedidas, así como a avaliación e seguimento deste programa.

Artigo 8. Competencia.

A competencia para resolver as solicitudes de axudas corresponderá ás persoas titulares da entidade promotora do taller dual de emprego.

Artigo 9. Procedemento de concesión, instrución e tramitación.

O procedemento de concesión das solicitudes presentadas ao amparo desta convocatoria non ten a consideración de concorrencia competitiva, dado que, de

Concello de Outes





Concello de Outes

Concello de Outes

acordo coa finalidade e o obxecto do programa, non resulta necesario realizar a comparación e prelación das solicitudes presentadas nun único procedemento, senón que a concesión da axuda realízase pola comprobación da concorrencia nas empresas e nos empregadores dos requisitos establecidos, ata o esgotamento do crédito orzamentario.

Nembargantes, terán preferencia na concesión das axudas as empresas que suscribiron ante a entidade promotora o Anexo IV de compromiso de solicitude de incentivos á contratación temporal de persoas participantes nos talleres duais de emprego, recollido na Orde do 27 de decembro de 2020 da Consellería de Emprego e Igualdade, pola que establecen as bases reguladoras das axudas e subvencións para os obradoiros duais de emprego da CCAA de Galicia, e se procede a súa convocatoria para o ano 2020 (DOG 14, do 27/01/2020).

Estes incentivos á contratación temporal por conta allea quedan sometidos ao réxime de axuda de mínimos, nos termos establecidos no Regulamento (UE) nº 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de Funcionamento da Unión Europea ás axudas de mínimos (DOUE L352, do 24 de decembro de 2013). Esta circunstancia farase constar expresamente na resolución de concesión.

Artigo 10. Resolución e recursos.

1. As resolucións de concesión ou denegación serán sempre motivadas.
2. O prazo para resolver e notificar é dun mes, que se computarán desde a data de entrada da solicitude no rexistro do órgano competente para a súa tramitación. Transcorrido devandito prazo sen que se dite resolución expresa, entenderase desestimada a solicitude, de acordo co establecido no artigo 23.5 da Lei de subvencións de Galicia.

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

3. Notificada a resolución polo órgano competente, as entidades propostas como beneficiarias disporán dun prazo de dez días para a súa aceptación; transcorrido este, sen que se produza manifestación expresa, entenderase tácitamente aceptada.

4. As resolucións que se diten neste procedemento esgotan a vía administrativa e contra elas cabe interpoñer recurso contencioso-administrativo, no prazo de dous meses, ante o órgano competente da xurisdición contencioso-administrativa, de acordo co disposto na Lei 29/1998, do 13 de xullo, reguladora da xurisdición contencioso-administrativa. Poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade coa Lei 39/2015, do 1 de outubro, do procedemento administrativo común das administracións públicas.

Artigo 11. Incompatibilidades e concorrencia.

1. As axudas previstas neste programa para as contratacións por conta allea son incompatibles con outras que, polos mesmos conceptos, poidan outorgar as administracións públicas como medida de fomento de emprego. Con todo, serán compatibles, no seu caso, coas bonificacións ou reducións de cotizacións á Seguridade Social.

2. Os incentivos establecidos neste programa serán compatibles con calquera outra axuda para distinta finalidade da Unión Europea, doutras administracións públicas ou entes públicos ou privados pero, sen que en ningún caso, aisladamente ou en concorrencia con outras poidan superar os límites establecidos pola Unión Europea e os que establece o artigo 17.3 da Lei 9/2007, do 13 de xuño, de subvencións de Galicia.

Artigo 12. Perda do dereito ao cobro da subvención e reintegro

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

1. Procederá a perda do dereito ao cobro da subvención, así como o reintegro total ou parcial das cantidades percibidas e a esixencia dos xuros de mora correspondentes desde o momento do pago da subvención ata a data en que se acorde a orixe do reintegro, nos casos previstos no artigo 33 da Lei 9/2007, do 13 de xuño, de subvencións de Galicia.
2. As obrigas de reintegro establecidas nesta orde, entenderanse sen prexuízo do establecido no Real decreto lexislativo 5/2000, do 4 de agosto, que aproba o texto refundido da Lei sobre infraccións e sancións na orde social.
3. Entenderase que se produce un incumprimento parcial e, por tanto, procederá o reintegro parcial dos incentivos cando a persoa traballadora subvencionada cesa na súa relación laboral antes de que transcorra o período mínimo de subvención e a empresa non proceda a substituílo.

Artigo 13. Devolución voluntaria da subvención.

1. De acordo co establecido no artigo 64 do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro, as entidades beneficiarias poderán realizar, sen o requirimento previo da Administración, a devolución total ou parcial da subvención concedida, mediante o seu ingreso na conta da entidade promotora do taller dual de emprego, en concepto de devolución voluntaria da subvención.
2. En todo caso, a entidade beneficiaria deberá presentar ante o órgano concedente copia xustificativa da devolución voluntaria realizada, en que conste a data do ingreso, o seu importe, o número do expediente e denominación da subvención concedida. “

TERCEIRO.- Publicar as anteditas bases no Boletín Oficial da Provincia aos efectos previstos no artigo 5 das mesmas.

Concello de Outes

Rua da Vila 1, Outes. 15230 (A Coruña). Tfno. 981850003.



Cod. Validación: 5Z752YEESE753J6WVGJJTEH3GW | Corrección: https://outes.sedelectronica.gal/
Documento asinado electronicamente desde a plataforma xestiona esPublico | Páxina 12 a 17



Concello de Outes

Concello de Outes

Outes, na data que figura á marxe

O alcalde

Ante mín, a secretaria

D. Manuel González López

Da. Minia Astray Barca

DOCUMENTO ASINADO ELECTRONICAMENTE

ANEXO I: MODELO SOLICITUDE INCENTIVOS Á CONTRATACIÓN DE PERSOAS ALUMNAS- TRABALLADORAS DO OBRADOIRO DUAL DE EMPREGO “OUTES-NOIA-LOUSAME 2020”

NOME DA EMPRESA:

CIF/NIF:

DOMICILIO:

ACTIVIDADE:

TELÉFONO:

REPRESENTANTE: (Nome, apelidos e NIF)

Enterados da convocatoria de axudas a través de incentivos á contratación temporal por conta allea a favor dos alumnos/traballadores do Obradoiro dual de emprego “Outes-Noia-Lousame 2020” ca especialidade de “Respoboacións forestais e tratamentos silvícolas (AGAR0208).

SOLICITA: Participar en dita convocatoria para o cal se xunta a seguinte documentación:

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

- 1.- DNI, NIE ou NIF da Empresa e poder suficiente para actuar en nome da entidade.
 - 2.- Declaración do persoal de todos os centros de traballo da Empresa en Galicia no mes anterior ao mes de publicación da presente convocatoria.
 - 3.- Declaración responsable de que posúe a capacidade administrativa, financeira e operativa para cumprir as condicións da axuda.
 - 4.- Outra documentación:
- En Outes (A Coruña), a de de 2021.

SR. ALCALDE DO CONCELLO DE OUTES

ANEXO II: MODELO DECLARACION RESPONSABLE DE INCENTIVOS Á CONTRATACIÓN DE ALUMNOS/TRABALLADORES DO OBRADOIRO DUAL DE EMPREGO "OUTES-NOIA-LOUSAME 2020" NOME DA EMPRESA:

CIF/NIF:

DOMICILIO:

ACTIVIDADE:

TELÉFONO:

REPRESENTANTE: (Nome, apelidos e NIF)

Enterados da convocatoria de axudas a través de incentivos á contratación temporal por conta allea a favor das persoas alumnas-traballadoras do Obradoiro dual de emprego "Outes-Noia-Lousame 2020" ca especialidade de "Repoboacións forestais e tratamentos silvícolas (AGAR0208).

DECLARO BAIXO A MIÑA RESPONSABILIDADE:

- Que a empresa....., con NIF/CIF....., NON incurre en ningunha das prohibicións recollidas nos apartados 3 e 4 do artigo 2.) das bases reguladoras da convocatoria publicadas no B.O.P. número..... de data

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

- Que cumpre coa regra de *minimis*, conforme ao que establece o Regulamento (UE) nº 1407/2013, da Comisión, de 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas de *minimis* (DOUE L352, DE 24 de decembro de 2013).

Outes, a de de 2021.

O/A declarante.

Asdo.

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

Concello de Outes

Rua da Vila 1, Outes. 15230 (A Coruña). Tfno. 981850003.





Concello de Outes

Concello de Outes

ANEXO I: MODELO SOLICIT

Concello de Outes

Rua da Vila 1, Outes. 15230 (A Coruña). Tfno. 981850003.

